

Pergeseran Gerakan PP: Koh tolak adakan EGM
Malaysiakini.com
September 18, 2010

Di tengah-tengah pertembungan dalam GERAKAN Pulau Pinang, presiden parti Tan Sri Koh Tsu Koon memutuskan tidak mengadakan mesyuarat agung khas (EGM) seperti yang dituntut sebilangan anggotanya.

Katanya, EGM adalah langkah terakhir sekiranya tidak ada lagi saluran menyalurkan pandangan dalam parti.

Bercakap dalam sidang media di ibu pejabatnya di Kuala Lumpur selepas mempengerusikan mesyuarat bulanan jawatankuasa pusat GERAKAN pagi ini, Koh berkata kepimpinan parti itu telah berhubung dengan kumpulan yang bertelagah di Pulau Pinang.

"Sebahagiannya meluahkan perasaan melalui saluran dalaman tetapi sebahagiannya meminta diadakan EGM seperti mana yang digariskan dalam perlembagaan (parti).

"Pemimpin jawatankuasa pusat daripada luar dan dalam Pulau Pinang telah berhubung dengan pelbagai kumpulan dan akan terus melakukannya," kata Koh yang juga menteri di Jabatan Perdana Menteri.

Copyright © 1999-2007 Mkini Dotcom Sdn. Bhd.
Source : <http://www.malaysiakini.com/news/142964>